



E prome scol di Pader Serafin de Sevilla

••• Aruba Dushi Tera •••

E Prome Scol na Aruba

Enseñansa na Aruba ta casi 180 aña bieo. Rond di 1816 no tabata tin scol ni maestro na Aruba. Na 1822 a bin un tal van Eekhout pa siña catishashi. E tabata un scol cu 31 mucha so. Masha poco! Esey ta pasobra lesnan tabata na hulandes y e Arubianonan di es tempo no tabata comprende esey.

Na 1826 Pader Serafin de Sevilla, kende tabata traha na Noord, a cuminsa na su mes cas cu un scol chikito dunando les na Spaño.

Na 1855 Pader Paulus mes a construí un scol di palo na Noord, pasobra aki tin mas catoliconan ta biba. Un collectant tabata duna les na spaño. Casi 4 aña despues el a muda e scol pa Playa, ya cu mayoria di hende a bai biba na Oranjestad. Na e mesun tempo Antonius de Vries tabata tin un scol cu 70 alumno y

fuera tabata duna les privá.

Na 1826 e scol di Pader Paulus a kima y na 1863 nan a construi un scol nobo cu dak di panchi net pa'zuid di misa San Fransisco. Esaki ta parti actual di Rosa College.


Nos por bisa cu e districto cu a cuminsa cu enseñansa prome tabata Noord, sigui pa Oranjestad. Santa Cruz a haya su prome scol na 1863 y rond di 1874 un scol a habri na Savaneta.

Na 1885 e prome scol di gobierno a habri riba tereno pa'riba di Watertoren na Playa. Pesey e caya cu ta bin di zuid jama "Oude Schoolstraat". E cabezante tabata Hermanus E. N. Kuiperi.

E tempo ey tabata tin hasta un scol privá di J. G. Beaujon. Tabata tin solamente 12 alumno y e nivel tabata halto.

Dia 23 di februari 1888 a habri e scol nobo di gobierno den Wilhelminastraat (caminda awor ta Algemene Rekenkamer).

Despues cu esaki a muda pa su edificio grandi riba klip, el a haya e nomber di Julianaschool. E scol bieo e ora a carga nomber di Margrietschool. Tempo cu esaki tambe a haya lugar grandi y moderno na Sero Blanco, e edificio den Wilhelminastraat a bira bibliotheek. Tin hopi mas di conta di nos enseñansa durante añanan di siglo pasá...



E prome scol di gobierno construí na 1888

ICH



Chabalito

Number 1 - Año III - September, 2000 - Afl. 2,=



Ban bishita Olympia • Gana premio cu CHABALITO • Sa mas di Aruba